

《中國地方志薈萃》編委會 編

中國地方志薈萃

西南卷·第二輯 貳



Luzhou Publishing House
LUZHOU PRESS

全國百佳圖書出版單位

中國地方志薈萃

西南卷·第二輯

貳

《中國地方志薈萃》編委會
編



九州出版社
JIUZHOU PRESS

全國百佳圖書出版單位

光緒增修崇慶州志

出版說明

光緒增修崇慶州志

(清) 沈恩培修 胡麟等纂

本書十二卷首一卷，據清光緒三年（一八七七）增修刻本影印。

增修榮莖州志序

余以光緒元年奉任榮南下車即索
州志觀之見所載山川人物之勝以
及幅員之廣大風俗之醇厚蓋亦蜀
之一名郡也心竊以得蒞斯土為幸
第至志自嘉慶癸酉年重修後距今

又六十餘年吾江山如故文獻遞新
其冒仕宦而懸壺名聞居而敦品詣
者固不乏人而陽厄之秋忠義尤著
或戰沙場而殞命或衝賊壘以捐軀
生敵王懷歿祀國殤滿三祁之並克
天塹若夫涖閩弱質抗志全忠慷慨

從宦均堪千古則上層兄疊出以視
六十年亦為更變焉此蓋我

國家仁淑義摩歷二百餘年之久至此
而厚收其效也可不謂邦家之光歟
今者口碑未遠以史牒存採列簡端
庶無訛舛否則有久而失實傳之而

失其實者豈不可慨也哉夫茲潛閩
幽絕凌巖亡者於地不也抑將以磨
鈍厲俗上證

郭達宏宣義義之心下不足為守土者
激揚之一助煌煌巨典苟可無以繼
之前牧李君承保倡議增修并捐俸

為助旋却篆玄繼以江君懷廷繆君
嘉譽皆以公事冗繁未遑及此以政
屬易星霜迄無所就余深惜焉蓋天
下事之善犯而不必善成者大都以
是也即集諸紳照舊採輯而躬董其
成第以採訪又難驟集玉光繼三年

三

菊月而事起花其條例敘前志加詳
間有補訂各依類附載於後光緒丁
丑

欽賜藍翎特授四川成都府榮慶州知
州浙西承齋沈恩培撰

吳志原序

全蜀皆巖疆也惟益州沃野千里而唐安一郡距
成都百里界西南之交居平川之末左青城而右
邛笮背高山而臨大江疊翠聯珠雲阿雪窟與錦
城相映帶都會一壯觀也惜罹流寇之亂民社彫
殘我

朝四十年始謀生聚雖絃誦之化已敷而草萊之色
未改幸士樸民淳駸駸乎有仁厚之風較隣封畧
為近古若遽欲求其臻禮樂之盛隨文明之華豈
易言哉然編氓既歸版籍土風能缺圖書昔夏后
氏鑄鼎象物九牧分區以定田疇之則賦載山川

崇慶州志序

之物產乃王者有土有人建官致治之要是九州
之大四海之遠不越尺幅可以一目瞭然知其形
勢之險易人物之賢良貨財之珍重前哲之遺跡
風俗之醇疵約遠於近如諸諸掌蓋政莫大於經
時教莫重於宣化義莫嚴於稽古事莫要於宜民
斯四者非志無以得其詳也余自莅茲都旁求志
冊竟鮮全書蓋蜀遭兵燹典籍久湮名山之藏燼
於劫火兼之賢哲殆盡文獻無徵詢訪者惟此一
二父老而已爰撫簡篇參之芻蕘采葺成帙敢曰
真知灼見遂成一代信書耶至於拾遺析微又俟
後之君子時康熙丙寅菊月

觀志原敘

崇慶隸成都爲古梁州域井絡垂曦峻瀆耀采都人士涵濡文化家敦廉節戶澤詩書耕食鑿飲之倫

帝力不知遐哉邈乎世躋義軒人遊巢燧矣 守臣際茲

泰運藻繪

昇平譚國志於華陽列耆舊於益部微下州官網錄遺

文遂以昭陽作噩頒發規條一體編纂丁前州開局

監修未歲厥事適 堯峯 權牧是邦爰進紳耆徵文考

獻勒爲成書酬金梓行余惟昔人謂史亞六經志亦

史之流也伊古遷固斷代鄭馬編年都無方隅之限

惟盛宏之荊州記及辛氏三秦羅含湘中迺分區域

崇慶州志

原序

而其先實因常道將華陽國志始道將故江原人也

生道將之後繼道將而有言不亦夏夏乎難之哉雖

然道將於蜀郡人物士女再三致意觀茲臚列尙不

愧前人於以上揚

熙和之休下永人文之懿從此觀感興起風俗彌清賢

才輩出匪直都人士之幸抑亦守土者之榮哉

嘉慶十八年十月朔日署崇慶州事吳江顧堯峯撰

例言十三則

一崇慶州志前明無存

國朝康熙丙寅創修名曰吳志越乾隆辛亥據州人何

明禮江原文獻爲粉本續加修輯名曰楊志又越

嘉慶癸酉州牧顧堯峯奉檄重修恪遵格式依據

諸書大要取材二十三史旁摭古今羣籍參以采

訪務期文簡事該以備一州典故此次增修體例

亦仍其舊綱舉目張加之爬羅剔抉用以新增補

遺較前爲加倍焉

一前志未列

聖諭

崇慶州志

例言

宸章一門今本通志尊王條例謹臚首篇匪特可作郡乘

之冠冕抑且以樹官紳之儀型

一星野顧志云蜀井鬼分野河圖括地象曰岷山之

精上爲井絡井三十四度方位寥闕一州百里太

倉稊米耳若泛述占驗則混言全蜀其於崇慶州

無當也故錄通志一條用昭切實茲編仍舊

一輿圖舊志所繪無輦畫及八景等圖以其無閱體

要茲編增之以備勝覽

一政治以養民爲先茲編水利仍附山川然必源委

詳明如某堰係某河起水某小堰係某大河分水

灌田若干畝先後各有界限庶水旱淤塞農民便

於修理各守舊規不致爭端致滋訟獄

一舊志物產僅書著名數物附田賦後其他稻麥蔬
果草木鳥獸蟲魚之屬謂與他邑相同概置不書
使他邑亦如是說則物產無從考核矣茲編另立
一門以廣聞見

一州中人才由漢洎今凡列選舉者俱各先行題名
分類標出細注官銜若有嘉言懿行嘖嘖人口者
卽於蓋棺後詳爲立傳姓氏下注以有傳二字其
傳另詳人物逐類分載俾閱者瞭如

一前志人物紀載無多今則徵收較廣蓋尚德行則
忠孝不列於科第崇品望則章布或賢於指紳故

崇慶州志

例言

二

自鄉先達外葑菲無遺下體甄陶且及顛愚凡有
一節可取莫不善善從長藉以維持世道若夫貴
德而兼尚齒則下庠庶老例得綴書僑寓而習人
工則篋叟醬翁尤堪入傳類分子目如宦蹟武功
忠義孝友行誼流寓方技耆老細閱自知

一前志於詩文雜作與山川古蹟相印證者分注各
條做范成大吳郡志康海武功志今仍其舊其藝
文一門或新增或補遺分書籍詩志傳記贊序政
跋子目逐類詳載若無門可入者附諸雜識至一
切浮詞實要無闕風化及人屬生存者不敢濫登
一志稿采錄列女非本史傳卽沿金石兼之徵於文

獻訪諸紳耆雖立名樹績品題見重於鬚眉而茹
藥飲冰表彰宜優於巾幗貞節攸關實爲鬼神所
欽奉無論已 旌未 旌俱各編次成帙用闡幽
光且勵風俗

一志經三修凡已經記載者酌斟盡善概不敢刪第
恐羌無故實引用必有從來如三志所同者題曰
舊志詳畧小異者或吳或楊或顧各從其稱其或
小有辨論則用按字別之不敢掠美致後前人苦心
一舊志於各門未分子目亦見渾括茲編恪遵格式
逐類分注以便緝閱

一前志分門首星野輿圖沿革山川次古蹟風俗城

崇慶州志

例言

三

池公署次學校祠祀田賦兵制又次職官宦績選
舉人物及古帝王公侯寺觀之屬殿以藝文終於
雜識統加按語揭明大意一洗從前小序緣起舊
習謂本范成大吳郡志例允爲得體列二十門爲
書十卷第物產爲食用所關列女爲風化所係似
應求詳故列二十二門以統各類共成十二卷至
兵制易作武備蓋軍興以來地方多事全賴團練
以濟兵勇不足取有備無患之意也餘則逐條附
益無事更張若祥異一門舊志未載以
盛世不侈祥瑞怪異亦不爲災不敢逞臆蓋登今亦仍
舊但其中遺漏錯訛在所不免蒐羅考證尚俟鴻儒

增修崇慶州志姓氏

主修

欽監監修特授四川成都府崇慶州分州同知 覃恩培

沈恩培

特用軍機府直隸署用成都府崇慶州事 李承保

李承保

欽加同知銜調署四川成都府崇慶州事 江懷廷

江懷廷

欽監監修署理成都府崇慶州事 繆嘉譽

繆嘉譽

參閱

庚戌科進士原任鹽源縣正堂 裴嗣錦

裴嗣錦

參正

國子監學正銜特授四川成都府崇慶州學正 洪璋

洪璋

花翎五品銜特授四川成都府崇慶州訓導 張玉成

張玉成

崇慶州志

姓氏

監刻

署理四川成都府崇慶州分州同知 沙宗萬

沙宗萬

欽加同知銜特授四川成都府崇慶州分州同知 尹杞泰

尹杞泰

特授四川成都府崇慶州右堂加三級紀錄十次 秦宗藩

秦宗藩

特授四川成都府崇慶州右堂 羅振鷺

羅振鷺

四川成都府崇慶州駐防把總 馬肇堂

馬肇堂

都司銜署四川成都府崇慶州把總 王壽

王壽

纂修

壬子科舉人蓬州訓導前署綿州學正 胡麟

胡麟

壬辰科舉人高縣訓導 徐鼎元

徐鼎元

協修

癸酉科舉人

方元宗

丁卯科舉人

楊光坊

乙未科舉人授綿州學正前授富順訓導

黃鑄

甲子科舉人

張益謙

前鑲黃旗漢教習官候選教諭

張炳元

分修

候選訓導

何肇顏

甲子科副榜

宋瑜

監生

余鈿

編次

候選訓導

汪識

崇慶州志

姓氏

分校

教諭

李沛元

附生

魏肇榮

校對

候選訓導

周漢章

附生

羅錦雯

廩生

袁炳章

附生

楊國泰

附生

辛毓鰓

增生

蔣錫藩

校刊

增	貢	生	雄堂
侯	選	敘	諭
癸酉	科	恩	舉
增	典局	生	王鍾秀
侯	補	知	縣
廩	貢	生	侯肇封
知府	用前任北直天津知縣	縣	余作錕
藍翎	候	補	知
附	縣	生	馮毓華
附	縣	生	李錦泉
侯	補	知	縣
崇慶州志	知	縣	饒克勤
附	生	龔慎修	張鵬展
訓	導	關廷英	曹桂芬
附	貢	生	黃樹
廩	生	宛朝駿	羅克昌
附	生	雷震南	曾恕
附	生	高正寅	經修
奏調	貴州軍務補用總兵	高正寅	經修

鹽提舉	街議敘	通判	歐陽景
布理問街	湖北黃州府黃岡縣分縣	王朝品	李世琦
從	九	張光彩	劉照順
監	生	杜春元	嚴希曾
監	生	嚴希曾	貢樊問學
從	九	生	梁升堂
附	生	鄭廷治	生
附	生	董作霖	生
附	生	柳成堃	生
崇慶州志	生	宋寶樞	生
附	生	宋屏藩	生
附	生	盧丕梁	生
附	生	馮大琛	生
附	生	李鏡蓉	生
附	生	高若愚	生
附	生	雷春霖	生
附	生	許維藩	生
附	生	朱斗南	生
附	生	石潤申	生
附	生	毛榮封	生
保舉	縣	生	李嘉謨

重修崇慶州志姓氏

總裁

特選四川成都府崇慶州知州加三級紀錄五次

丁榮表

署四川成都府崇慶州知州加三級紀錄五次

顧堯峯

纂修

崇陽書院掌教乾隆丙午科舉人

衛道榮

原任湖南澧州直隸州知州

謝攀雲

分修

原任四川成都府崇慶州學正

周宗沛

四川成都府崇慶州學正

鄧 勳

原任四川成都府崇慶州學正

趙玉屏

崇慶州志

原纂姓氏

署四川成都府崇慶州訓導

唐學紳

分校

署四川成都府崇慶州州同知

龔元泰

分校督梓

四川成都府崇慶州吏目

李鸞元

署四川成都府崇慶州吏目

仇允誠

校刊

茂 辰 利 舉 人

吳錫川

增 生 楊 倬

採訪

戊辰科 吳錫川 庚午科 楊啟榮 貢生 葉台章 貢生 謝藍田

貢生 陳化鵬 增生 賈廷陞 附生 彭文煥 附生 盧靈峯

典局

戊辰科 蕭 詔 庚午科 楊啟榮 辛酉科 黃蘭芳 庚午科

陳安邦 庚午科 石成玉 貢生 蔣壽安 貢生 徐浚行 廩生

蒙 拔 廩生 柯道勝 增生 賈廷陞 增生 楊 倬 附生 張鳴珂

附生 唐 書 附生 盧國良 附生 董凌雲 附生 劉 鏡 附生 張宏彩

附生 盛朝棟 附生 劉光漢 附生 朱 潤 附生 陳 侃 附生 李登雲

武生 劉桂芳 武生 羅得勝 監生 羊文秀 監生 胡文貴 監生 關恩多

監生 胡世坤 監生 楊廷藩 監生 李茂槐 監生 胡 桂 監生 袁文典

候選 謝 芝 監生 周萬年 監生 郭廷舉

繪圖

崇慶州志

原纂姓氏

倉房 趙之義 倉房 吳定邦 倉房 陳雲慶 倉房 馬聯芳

繕寫

兵房 謝國壽 刑房 何多學

刊刻

成都 臧正華 成都 徐萬全 成都 李高順 成都 徐書林

成都 臧正富 華陽 張世惠 綿竹 李文士 崇慶 朱 超

成都 臧正華 成都 徐萬全 成都 李高順 成都 徐書林

成都 臧正富 華陽 張世惠 綿竹 李文士 崇慶 朱 超

成都 臧正華 成都 徐萬全 成都 李高順 成都 徐書林

成都 臧正富 華陽 張世惠 綿竹 李文士 崇慶 朱 超

成都 臧正華 成都 徐萬全 成都 李高順 成都 徐書林

崇慶州志總目

卷首

宸章

星野

輿圖

卷一

沿革

山川

卷二

古蹟

風俗

崇慶州志

卷三

城池

公署

卷四

學校

祠祀

卷五

田賦

物產

武備

卷六

職官 表傳

官績

卷七

選舉

人物上

卷八

人物下

卷九

列女

帝王

寺觀

崇慶州志

卷十

藝文上

卷十一

藝文下

卷十二

雜識

光緒十年職員左光元分州人縣其子華虎前在浙江慶元共捐

刷志書伍拾部

總目

一

總目

二

增修崇慶州志卷首

崇慶州知州沈恩培輯

聖諭

宸章

康熙四十一年奉頒

御製訓飭士子文

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務期風教修明賢才蔚起庶幾棧模作人之意乃比年士習未端儒效罕著雖因內外臣工奉行未能盡善亦由爾諸生積錮已久粹難

崇慶州志

卷之首

改易之故也茲特親製訓言再加警飭爾諸生其敬聽之從來學者先立品行次及文學學術事功原委有序爾諸生幼聞庭訓長立宮牆朝夕講讀甯無究心必也躬修實踐砥礪廉隅敦孝順以事親秉忠正以立志窮經考業勿雜荒誕之談取友親師悉化驕盈之氣文章歸於醇雅毋事浮華執度式於規繩最防蕩軼子矜佚達自昔所譏苟行止有虧雖讀書何益若夫宅心弗淑行己多愆或蜚語流言挾制官長或隱糧包訟出入公門或唆撥奸猾欺孤凌弱或招呼朋黨結社要盟乃如之人名教不容鄉黨勿齒縱倖脫畧朴濫竊章縫返

崇慶州志

卷之首

之於衷甯無愧乎况夫鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣貨緣詭遇罔顧身家又或改竄鄉貫希圖進取器凌騰沸網利營私種種弊端深可痛恨且夫士子出身之始尤貴以正若茲厥初拜獻便已作奸犯科則異時敗檢踰閑何所不至又安望其秉公持政為國家宣猷樹績應後先疏附之選哉朕用嘉惠爾等故不禁反覆惓惓頒茲訓言爾等務各體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮卽爾祖父亦增光寵矣

御製敕諭知州知縣文

朕惟國家首重吏治爾州牧縣令乃親民之官吏治之始基也貢賦獄訟爾實司之品秩雖卑職任

某重州縣官賢則民先受其利州縣官不肖則民先受其害庸茲任者當體朝廷惠養元元之意以愛民爲先務周察節屋緩輭鄉里治行果有其實循卓自有其名非內聚賄而外干譽謂之名實兼收也全省吏治如作室然督撫其棟梁也司道其垣墉也州縣其基址也書云民惟邦本本固邦甯夫所以固邦本者在吏治而吏治之本在州縣苟州縣之品行不端猶基不立則室不固庸有濟乎皇考臨御六十一年灼知州縣之重特行引見咨詢明試至詳至慎其有廉能之員每不次超擢以示鼓勵今海內羣黎皆

崇慶州志

卷之首

三

皇考所懷保也朕膺

宗社重寄思繼

皇考之治功惟爾州縣諸臣具有父母斯民之責其爲朕立之基址以固邦本焉誠能潔己奉公實心盡職一州一縣之中興仁興讓教孝教忠物阜民安刑清訟簡朕將升之朝中以作股肱如或罔念民瘼恣意貪婪或朘削肥家或濫刑逞虐或借刻以爲清或恃才而多事或諂媚上司以貪位或任縱胥吏以擾民或徇私逞欲以上虧國帑王章具在豈爾貸歟更有任州縣時私肥己橐而漫云且俟顯要方立名節者其與初市清名晚而改操之人何

以異哉至於錢糧關係尤重絲毫顆粒皆百姓之脂膏增一分則民受一分之累減一分則民沾一分之澤前有請暫加火耗抵補虧空帑項者

皇考示諭在廷不允其請爾諸臣共聞之矣今州縣火耗任意加增視爲成例民何以堪乎嗣後斷宜禁止或被上司察核或被科道糾參必從重治罪決不寬貸夫欲清虧空之源莫如節儉正直節儉則用無不足正直則上官不可干以私若朘小民之生以飽上官之貪欲冒不測之罪以快一時之奢侈豈砥礪廉隅爲民父母之道乎爾州縣等官其恪共乃職勿貽罪戾毋謂地遠官卑朕不及察其賢

崇慶州志

卷之首

四

否也特諭

雍正六年十二月甲午四川巡撫憲德奏西藏烏蒙等處辦理軍需蒙恩動用倉穀毋許絲毫累民今崇慶州紳衿士庶以己資代辦穀至三千餘石及催令赴倉領回皆稱情願捐輸留爲本州儲備

上諭戶部崇慶州士民慕義急公情詞肅摯此皆

聖祖仁皇帝六十餘年深仁厚澤浹淪肌之效朕心甚爲慰慶着將崇慶州雍正七年額徵錢糧全行蠲免以示格外加恩善良之至意

乾隆五年

欽頒

御製訓飭士子文

士爲四民之首而太學者教化所先四方於是觀型焉比者聚生徒而教育之董以師儒舉古人之成法規條亦既詳備矣獨是科名聲利之習深入人心積重難返士子所爲汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文藝之末哉朱子同安縣論學者云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以

崇慶州志

卷之首

五

得志於科舉斯已爾所以孜孜焉惟日不倦以至於死而後已者果何爲而然哉今之士惟不知此以爲苟足以應有司之求矣則無事於汲汲爲也是以至於惰游而不知返終身不能有至於學而君子以爲非士之罪也使教素明於上而學素講於下則士子固將有以用其力而豈有不勉之患哉諸君苟能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察開然自修世俗之紛華靡麗無足動念何患詞章

聲譽之能奪志哉況卽爲科舉亦無礙於聖賢之

學朱子云非是科舉累人人累科舉若高見識遠之士讀聖賢之書據吾所見爲文以應之得失置之度外雖日日應舉亦不累也居今之世雖孔子復生也不免應舉然豈能累孔子也朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等耳故學者莫先於辨志志於爲己者聖人之徒也志於科名者世學之陋也國家養育人材將用以致君澤民治國平天下而固於積

崇慶州志

卷之首

六

習不能奮然求志於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而學者知所以學

道光九年九月楊遇春奉

諭頒賜御書匾額一面

綬邊錫祐

對聯一幅

三朝疆場宣勤久

兩世封圻積慶多

道光十五年五月初八日奉

上諭本年正月間楊遇春因年近八旬舊疾舉發懇恩開

缺以籍謫朕不忍遽所請降旨准其開缺諭

令緩程來京朕見親加慰勞俾伸瞻戀之忱茲到

京陛見朕於召對時見其康強矍鑠神明不衰篤

念功勳倍深嘉悅楊遇春自乾隆年間以武舉効

力戎行每遇軍務無不在事馳驅身經百戰歷事

三朝懋著勳勤渥承恩眷前於嘉慶年間平定滑城賊匪

仰蒙

皇考仁宗睿皇帝賞給二等男爵紫禁城騎馬旋晉一等

男爵朕御極後賞加太子少保銜並賞戴雙眼花

翎嗣因克復回疆四城晉加太子太保銜加恩賞

崇慶州志

卷之首

七

用紫纁特擢陝甘總督重任八年以來於邊疆事

務控制得宜訓練軍實整肅官方盡心職守老成

威望中外皆知恪共忠盡實國家股肱心膂之臣

允宜特沛恩施以昭殊眷楊遇春著加恩晉封一

等侯爵在籍支食全俸俾得頤養林泉以示朕優

待勳臣寵眷有加至意欽此

道光十五年五月十八日

賜予告陝甘總督一等侯楊遇春

御製

御書紫光閣畫像贊

少年從征進不知退拍馬橫矛善穿賊隊參贊戎

機克城賊潰界以封疆無懈簡在

同日

賜

御書詩扇

元勳入覲允歸榮功立才全際太平宣力三朝邀

寵錫抒忠百戰播威名官兼文武真難觀志篤廉

明永不更晉爵酬庸延後世林泉頤養話長生

道光十六年十一月初九日內閣奉

上諭予告陝甘總督楊遇春敷歷中外宣力

三朝朕每軫念勳勞渥加眷注本月四川總督鄂山來京

陛見經朕詢問楊遇春在籍頤養安和精神矍鑠

崇慶州志

卷之首

八

甚為欣慰朕特親書福壽字二方並頒發內府人

獲十兩著鄂山帶回賞給楊遇春祇領以迓休祥

其子前任河南巡撫楊國楨因丁母憂在籍著於

服闋後迅即來京候朕簡用以示優待蓋臣有加

無已至意欽此

道光十七年三月二十四日內閣奉

上諭予告陝甘總督楊遇春自乾隆年間以武舉効力戎

行每遇軍務無不在事馳驅身經百戰歷事

三朝懋著勳績前於嘉慶年間平定滑縣賊匪仰蒙

皇考仁宗睿皇帝賞給二等男爵紫禁城騎馬旋晉一等

男爵朕御極後賞加太子少保銜並賞戴雙眼花